

管窺輯要卷之七十六

六安黃鼎玉耳父纂定

徑九錫公位

九疇倫敘

九如眉介

桐城方兆及子諱全閱

龍部

龍者貴象也非人所見國有神龍見人君恩憐百姓青龍黃龍見者應禎瑞也

管窺輯要

卷之七十六

一

龍乳人家主有大水龍在井非嘉龍貴象若見井中諸侯貴人當有幽繫之禍龍者水物但非其所見處即為妖災大龍飛揚顯見瑞也潛伏幽處非休禎也

人生龍蛇不吉之兆國有伐童女生之吉○龍者陰類出入有時若非其所下人謀上

凡龍圖眾心不安身有災君失政龍下朝廷人君不順形出不時龍以冬出當道或鬪於邑中或亂國中或見或下皆下謀上為大戰及有大兵喪家



○春夏占秋不占○蒼龍見國有禍

龍占

龍屢出人間其國有下人欲謀上者○龍見於道于邑于田于人家皆爲其地有兵戰林下不占

龍見于朝占曰人君行不順天時則龍下其廷龍出宮中讒臣聚其國亡龍見于邑其邑遷龍見于川其地兵大起

龍見于井京房曰有德遭害厥妖龍見井中能從井中出下有猾謀京房曰井出龍人君不守宗廟

管窺輯要

卷之七十六

二

又曰君行刑暴急則黑龍從井中出龍入井中王侯幽有執者

龍入人家貴人憂之一曰龍入人室居若出地中飛去者臣下謀上其人家有大凶又曰龍入人家爲妖其國亡

龍見于社有兵戰社稷改造龍鬪其地有戰又曰國易主或曰天下有大爭京房占曰龍鬪邑中有兵憂其國且分又曰衆心不安厥妖龍鬪

龍以冬出有大戰主憂又曰天子亡改受命天無

雲下有龍見大水出大兵起

龍死于野天下易主龍墜而死國君惡之京房曰
羊有一角出巔龍也魚有角龍也田螺有角五色
龍也長尾蟠者龍也蜴蜥有長尾赤色龍也殺之
震死

青龍王者有仁德則見握鏡占曰蒼龍見國有憂
赤龍見大旱黃龍見土工興白龍見有兵黑龍見
有大水黃龍見其國當有王者興以見之日辰占
之并知其期木失其形則春青龍見其國被兵其
管窺輯要 卷之七十六 三

鄉人散亡火失其形則憂赤龍見其國災金失其
形則秋白龍見其國兵興其鄉人多死喪水失其
形則冬黑龍見其國多雨水之災土失其形則四
季黃龍見其國土工大興

赤龍見于國不出三年有大災野人爲政黑龍見
于國有賢人至先吉後凶

漢惠帝二年正月癸酉且有龍見于蘭陵東里濫
陵若中至乙亥夜去其後呂太后幽殺趙王諸呂
無終誅滅

漢安帝延光元年黃龍見無功歷城瑯琊時帝聽
讒免太尉楊震震自殺後又信讒廢太子皇之不
極故龍孽見也

桓帝延熹七年六月中河內野王山上有龍死長
數十丈襄楷曰龍者帝王之象天鳳中黃山官有
死龍漢兵誅莽而世祖復興此易代之徵也漢祚
之亡實自桓帝始焉

梁武帝大同十年夏有龍夜墜延陵人家井中明
旦視之大如驢將以戟刺之俄見庭中及室中各
管窺輯要

卷之七十六

四

有大蛇如數百斛般家人奔走洪範五行傳曰龍
陽數貴象也上則在天下則在地不當于庶人邑
里室家井中幽深之所見之諸侯日有幽執之禍
此皇不建之咎也後有侯景反果幽殺簡文帝于酒
庫宗室王侯皆幽死

陳宣宗大建十一年正月龍見有竟池中

後主末年有青龍出見建陽門井中涌霧未幾亡
國爲俘後魏孝靜天平二年龍見并州人家井中

後齊天保九年有龍長七八丈見齊州大堂河清

元年龍見齊州浴堂中

武平三年龍見邯鄲井中其氣五色屬天又見汲郡佛寺潤井中其國皆不久而亡

後周建德五年黑龍墜于亳州而死二歲帝崩太子立太象元年有黑龍與赤龍鬪于汴州水側黑龍死次年宣帝崩靜帝立禪隋

隋仁壽四年龍見代州總管府井中其龍或變爲鉄馬甲士彎弓上射之狀其後漢王諒反坐誅

黃龍見國有德一云有喪白龍見有兵黑龍見國

管窺輯要

卷之七十六

五

有賢人至先吉後凶

凡龍入宅若居地出井飛皆臣有暗謀京房曰有德遭陰則龍見井出軍見龍忽飲軍水國虛在外急抽軍廻反賊將至

黃龍見道君應世大吉龍見于川四方兵起

雲占

雲從龍龍舉而雲迷九天也雲氣騰躍凡常有之變異別形人之所感若多福祐應以吉剋若事當凶亡星之災變故觀乎雲色後驗其文雲者天之

信也五雲五色正旦占之定水旱辨吉凶

王色雲黃帝戰蚩尤時止於帝上作華蓋

青雲如縷連日不散如雲非雲如爛非烟郁郁紛紛喜也謂紫之狀也

楚雲如衆鳥夾日而飛三日災在王身占者曰欲移之王曰不可移災自免王者萬物之情德合天地則妖訛不作瑞雲見也

凡雲參以五行相制定其吉凶常以十干日望於敵上及我軍營陣之上

管窺輯要

卷之七十六

六

甲子日白雲丁丑日黑雲戊巳日青雲庚辛日赤雲壬癸日黃雲已上十干日望有此雲在彼軍上則勿攻之在我軍上戰大勝

凡以壬癸日望四方無雲獨見赤雲如旌旗遍天下有兵起獨見黑雲極天天下兵大起三日內雨災乃解

雲如疋布或竟天天下兵起有雲如胡人行列天下兵起有雲如人相揖者有兵起雲如豹形四五收相聚國兵起

有雲來甚卑掩溝蓋道者賊必至急備之雲如日月而赤氣繞之如暈者所見之方軍不可攻在我軍戰必勝

凡出軍日雲來逆人天之止我不可進舉兵○赤雲如布長數丈非常有皆將警備之昏見在客且見在主人白雲三道必是發軍之兆

雲如霧非霧如塵非塵此是兵動之兆雲若赤色其中似黃終日至夜君弱臣強法令亂施雲昏昏昧濁軍國去賢主將不明不才者位高雲長百丈

管窺輯要

卷之七十六

七

東西竟天白黑同候兵將大亂若赤色大戰流血如似旌旗此並準前三日有兩凶災稍痊避地當吉

雲橫如陣此是兵興三條五條兵亂相凌雲如山蓋或如雨葦或如焚草煙蓬勃掩翳此得天勢不可攻雲形如豹所臨軍不可攻之雲似龍行必有大水營在其下遷之高壘

白雲白氣常逐吾軍戰伐必尅之徵赤雲如山其兵且銳所臨有謀未可攻之地赤雲黃綠照地黃

色大臣專權當如重職必須除之恐後爲賊赤雲
如幔蓋大兵欲亂必當背叛

雲溷溷似土色必築城隍春月卽吉秋夏有殃雲
如錦文必有勅書若如喜慶流血街衢

黑雲如道東西竟天合有大赦諸侯受遷亦主兵
亂大戰之徵青白準上國喪滿川赤雲如車旋入
北斗下有流血爲主必走

黑雲如車旋轉入吾軍小將謀反欲亂之徵黑雲
遊行中含赤色敵有謀反反必自尅赤雲在北斗

管窺輯要

卷之七十六

八

之上三日內有流血必見殺於人衆雲而掩北斗
日內當有大雨雲出四向當有大赦天子憂恤天
下雲從北斗四向如射紫氣色赤然恩洽大赦五
十日內天下遷益

凡雲從敵上而來須臾却還賊必強銳當警備之
恐有攻我雲若迅急敵必來急疾雲行悠悠賊必
遲延

四方有大雲五色見者下有賢人隱青雲潤澤蔽
日東西南北爲舉賢良

雲甚潤澤有暴雨雲氣如亂穰大雨將至日出沒
有雲橫截之白者喪鳥者驚三日有雨咎解
有雲黃色四塞終日竟夜照地者大臣縱恣有雲
如飛朦昧而濁賢人去小人在位

赤雲獨出狀如立甌下有流血軍上雲如車蓋必
有大戰赤雲獨見屈曲如虹者兵反攻城劫長吏
雲色赤如火炬下有兵謀詐雲赤如牛而無角三
日必有雨三十日匈奴起雲黑如群羊或如猪在
北斗中不出三日雨匈奴將起

管窺輯要

卷之七十六

九

日沒時若已沒而有赤雲掩日上其下人流亡雲
如大四五相隨其下有兵起雲色純白如疋布
東西竟天天下赤色南北中天若加人都邑人多
死雲如行船走於軍上者必走雲如馳騎塵塵來
加軍上軍必走雲氣五色交錯於人徙倚不定加
於軍國之上此是亂氣雲如赤光而照人敗必以
火攻

五色雲如車道長百步或千步已上數百步丈已
上者在四方也日辰相尅者大闕不相尅者寄居

夏王相氣臨兵強有天命戰勝囚死氣爲凶兵敗

雲氣龍形占

雲氣如龍形者必有大水爲災在其軍上急宜避
之雲如黑龍之形主大水雷電之災軍行及戰陣
見之兵將不利七日內黑雲中有青龍主天下牛
水災多風五穀不成小兵起妃后犯姦軍行戰陣
兵將不利七日內黑雲中見赤龍有惡風雨民流
之災下臨之所兵敗利害兩日內黑雲中見白龍
形主旱賊兵起虫傷之災見之軍敗宜主黑雲中

龍輯要

卷之七十六

十

見黃龍形主大旱民飢軍行戰陣見之爲客大利
從雲起處擊之黑雲中有蒼龍形主天子陰謀諸
侯之災軍行戰陣見之有外兵助宜主其下兵順
若雲中有赤龍形主大旱兵起軍行戰陣見之宜
主下敗勝勿抵之若若雲中如青龍之形主東方
兵起不利將首軍行戰陣見之宜主不利客雲如
白龍之形主西方兵起大勝宜客軍行及陣見之
主不利若雲如黑龍形者主北方兵勝軍陣見之
利害若雲如黃龍之形主中方兵勝利有軍對敵

見之主大利客敗

若青龍雲中有青黃白黑龍形者青龍色不可抵背之戰勝軍行勿逆之若赤雲中有赤白黃青龍形者看龍色軍行戰陣勿逆之背之吉亦利客若白雲中有青白黃黑龍形者亦西方兵起看龍色青軍東方軍利他色倣此

若黑雲中有黑青白赤黃龍形者主北方兵起看龍色兵勝利軍行及陣勿抵之若黃雲中有黃白赤青黑龍之形中方兵起看龍色兵勝利以占之

管窺輯要

卷之七十六

十一

若龍雲形蒼色在黑青赤黃白雲中主天下大亂若臨軍陣下必大敗利客若龍形半青半赤戰客勝若龍形半白半黑不利戰必敗客小勝七日內若龍有半白半青大戰必勝利主在七日內若龍形有半白半黃戰客勝主敗在七日內龍形半黃半青兩軍不利有水災或有火災若龍形半赤半黑常有姦人戰客利七日內

龍形半黑半黃七日內戰主勝龍形半青半赤戰客勝七日內戰主勝若龍紫色七日內主軍宜進

龍形立者二七日內客宜進軍

龍向山上坐或立者七日內有降兵龍向山形土
臨者國人安樂不宜大軍

若龍在樹上主天下大亂作亂之災若雲如二龍
之形鬪者不宜戰二七日內兵敗若龍與諸獸鬪
者必有二國相伐不利戰必敗若雲如蛇龍之形
所臨之軍將軍主失魂

暴兵雲氣占

雲如虎頭項兵暴起赤雲如人似行似坐暴兵立

管窺輯要

卷之七十六

十一

至急備之賊至必害我軍若壬子日赤雲如旗暉

暉滿天者兵欲大起

赤雲如幔蓋大兵欲起大亂反叛之氣白雲如瓜

蔓連結為隊相隨為須臾罷而再出入九度當有

千里兵來當視所起備之

雲如龍頭或如虎頭當警備所守當換雲氣似旌

旗暉暉而揚此暴兵將至或如虎頭氣如彗形雲

掃除或高數百丈無根本此為遊兵之氣

赤雲如人持盾或如持節三兵大來而未絕白雲

加布起於東北大兵將起赤色賊亂青色大喪黑色喪賊凡壬子日有黑氣如疋布南北竟天天下兵大起

蛇占

蛇入宮中大臣受甲兵之誅一曰大蛇見殿中宮中有甲兵起朝有大蛇君失道國亡
蛇入國都賤入爲君

蛇自外入國其國將有女子憂君室中忽有蛇君日去蛇在床上國君子非其子蛇群聚大道上有管窺輟要

卷之七十六

十三

急兵聚于國有圍城

大蛇見邑不出三年兵起國憂長蛇見大水黃蛇見于國邑大旱

大蛇見神祠京房曰占不出三年其有大兵蛇入人家有疾病蛇從井中出其家有病蛇沿棟椽墮地不見小口災蛇入卧床有疾病死喪蛇入釜竈有咒詛蛇入厨箱行人疾病女子口舌凶

蛇鳴君室其君死蛇交于市或交于庭中不出三年有亡國之君蛇入宅交有死喪行路人見蛇交

生疾病死亡交爭失財凶

見蛇蛻其皮者吉蛇鬪于市其國人虛蛇鬪于野
其地有兵蛇鬪于道群雄起爭蛇鬪于國國君有
爭立者蛇成群立兵大作蛇與鼠鬪有盜賊火災
補魚得蛇主刑傷疾病

列國鄭厲公時內蛇與外蛇鬪鄭南門中內蛇死
於是厲公却其相祭仲逐昭公伐之立後厲公出
奔照昭公復歸死子儀立厲公自外劫大夫傅瑕
并殺子儀此內外蛇殺內蛇之象也蛇死六年而

管窺輯要

卷之七十六

十四

哀公立

魯文公十六年有蛇自泉宮出入于國如先君之
數泉宮在園中公母姜氏嘗居之蛇從之出象宮
將不居也詩曰維虺維蛇女子之祥出而又入于
本國將有女憂也秋公母薨公惡之乃毀泉臺後
三年公薨公子遂殺文之二子而立宣公文公之
夫人姜氏大歸于齊

漢靈帝熹平元年四月甲子青蛇見御座上是時
政在宦官帝室微弱

晉明帝太寧初武昌有大蛇常居故神祠空樹中
每出頭縱受人食京房易傳占曰蛇見于邑不出
三年大兵國有大憂尋有王敦之逆

東魏武定元年有大蛇見虎牢城時高仲密以虎
牢叛降西魏神武大為西師所窘武平七年并州
招遠樓下有赤蛇與黑蛇鬪數日赤蛇死時齊尚
赤周尚黑後主遂為周所滅

唐太宗貞觀八年隴右大蛇屢見蛇女子之祥也
武氏之禍自此兆矣

管窺輯要

卷之七十六

十五

龜魚占

海數見巨魚邪人進賢人疏魚行人道兵起池魚
忽躍上岸有遠信通

鯨魚出海而死世主亡魚去水而飛入陸兵且作
一曰魚飛去水人去其君有虛邑群魚逆流而上
民不從君令京房曰衆逆同志厥奴魚逆流上魚
乘空而鬪下臣將有兵戰

魚死道中有兵兵敗陸行得魚主疾病凶

龜鼈入宅及上殿皆主死亡陸行見龜鼈所求不

利龜蛇入宅交有死亡

魚飛入宮兵起宮中龜魚鱗介之屬皆兵象也
秦始皇八年河魚大上時始皇弟長安君將兵擊
趙死留屯軍吏皆斬遷其民于臨洮明年有嫪毐
之誅魚陰類民象逆流而上者民不從君令爲逆
行也

漢成帝永始元年北海出大魚長六七丈高四丈
者四枚

哀帝建平三年東萊平濤出大魚二枚長八九丈

管窺輯要

卷之七十六

其

高二丈餘時帝任用群小誅殺賢人遂亡漢室
晉武帝大康中有鯉魚二見武庫屋上太陽魚見
屋上魚至陰似兵甲子太陽也其後武帝崩惠帝
立禍亂大作晉祚以亡

梁武帝大同十年帝幸朱方至四壑及玄武湖魚
皆驥首見於上若望乘輿者帝還宮而沒洪範五
行傳曰魚陰類下人象而有鱗甲象兵是將有睥
睨乘輿者其後果有侯景之大亂

後周大象元年陽武有鯉魚乘空而闕明年帝崩

尉遲迥起兵象州高祖遣韋孝寬擊敗之

隋開皇十七年大興城西南四里有袁村民設佛
會有老翁皓首櫛衣白裙來食而去衆莫識追而
觀之行二里許不見但見陂中有白魚長丈餘小
魚從者無數爭射之或乃折弦斷後竟中之剖其
腹枕飯猶在乃知爲向老翁也後數日漕渠暴溢
射人皆溺死

隋大業十二年淮陽郡驅人入子城鑿斷羅郭至
女垣之下有穴其中得鯉魚長七尺餘未幾長曰
管窺輯要

卷之七十六

七

山賊至城下郡兵拒之爲所敗男女死者萬有餘
人

秦符堅時高陸人穿井得龜大三尺皆有八卦堅
命於小池養之尋死藏其骨于太廟是夜廟丞高
魯夢謂之曰我本出將歸江南遭時不遇殞命秦
庭又有人謂魯曰龜三于六百歲而終終必殃興
亡國之徵也

唐尚○元年龜聚于揚州城門上節度使鄧景山
以問施弟珽對曰龜介物兵象也

黃帝采首山銅鑄鼎於荆山下鼎既成有龍垂胡
鬚下迎黃帝黃帝上騎群臣後宮從上者七十餘
人龍乃上去餘小臣不得上乃悉持龍鬚龍鬚拔
墜黃帝之弓百姓仰望黃帝既上天乃抱其弓
泣胡鬚號故後世因名其處曰鼎湖其弓曰烏號
周武王伐紂渡河中流白魚躍入王舟中武王俯
取以祭既渡有火自上覆於下至於王屋流爲烏
其色赤其聲魄云

魄安定意也白者
殷尚赤乃周祥也

管窺輯要

卷之七十六

天

漢武帝太始四年七月趙有蛇從郭外入與邑中
蛇鬪孝文廟下邑中蛇死後二年秋有衛太子事
事自趙人江克起

漢章帝時有壽光侯者能劾百鬼眾魅令自縛見
其形鄉人有婦爲魅所病侯爲劾之得大蛇數丈
死於門外又有神樹人上者輒死鳥過者必墜侯
復劾之樹盛夏枯落見大蛇長七八丈懸死其間
帝聞而徵之

漢桓帝延熹七年六月十三日河內野王山上有

龍死長可數十丈襄楷以爲喪滅之象

三國魏齊王嘉平四年五月有二魚集於武庫屋上王肅曰魚生於水而亢於屋介鱗之物失其所也邊將其殆有棄甲之變乎後果有東關之敗

帝太康中事與此類

晉武

魏嘉平中前趙左賢王劉豹與妻呼延氏祈于於龍門俄而有一魚頂有二角軒鬚躍鱗而至祭所久之乃去巫覡皆異之曰此嘉祥也其夜夢旦所見魚變爲人左手把一物大如半雞子光景非常

管官輯要

卷之七十六

十九

授呼延氏曰此是日精服之生貴子寤而告豹豹曰吉徵也自是十二月而生元海左手文有其名遂以名焉

魏安平太守王基家數有惟有賤婦人生一男兒墮地便走入竈中死又牀上有一大蛇銜筆小大共視須臾去之又烏來入室中與燕共鬪燕死烏去以問管輅輅曰直客舍久遠魍魎魍魎爲恠耳兒生便走宋無忌之妖將入其竈也夫蛇銜筆直老書佐耳烏與燕鬪直老銜下耳無憂也後卒無

三國吳孫亮永安六年青龍見於白沙白燕見於慈湖赤雀見於豫章

吳孫皓天冊中龍乳於長沙人家啖雞雛京房曰龍乳人家王者為庶人其後皓降晉

晉武帝太始元年十二月鳳凰六青龍三白龍二麒麟各一見於郡國二年鳳凰六青龍十黃龍九麒麟各一見於郡國

武帝咸寧中司徒府有二大蛇長十許丈居聽事

管窺輯要

卷之七十六

平棹上而人不知但數年惟府中數失小兒及猪犬之屬後有一蛇夜出被刃傷不能去乃覺之發徒攻擊移時乃死

武帝太康五年二月二龍見武庫井中帝觀之有喜色百僚將賀劉毅獨表曰昔龍隳夏庭禍發周室龍見鄭門子產不賀帝答曰朕德政未修未有以應受喜祥遂不賀後二胡僭逆皆字曰龍此之表異為有證矣

晉惠帝元康五年三月臨淄有大蛇長十餘丈負

二小蛇入城北門徑從市入漢城陽景王祠中不
見

晉愍帝建興二年十一月抱罕羌妓產一龍子色
似錦文常就母乳遙見神光少得就視此亦皇之
不建帝

晉明帝太寧初武昌有大蛇常居故神祠空樹中
每出頭從人受食

晉穆帝永和元年有黑白二龍見於燕之龍山交
首遊戲解角而去燕王慕容皝祀以大牢命所居

管窺輯要

卷之七十六

三

新官曰和龍

前燕十二年

晉孔愉字敬康嘗行經餘不亭見籠龜於路者愉
買而放之溪中龜中流左顧者數四及建興初以
討華軼功封餘不亭侯鑄侯印而印龜作顧三鑄
如初印工以告愉乃悟遂佩焉

晉毛寶字碩真初鎮武昌有軍人於市買得一白
龜長四五寸養之漸大放諸江中邾城之敗養龜
人被鎧持刀自投於水中如覺墮一石上視之乃
先所養白龜長五六尺送至東岸遂得免

晉安帝時涼後主李歆字士業初出兵伐蒙遜有大蛇從南門而入至於恭德殿前有雙雉飛出宮內通街大樹上有烏鵲爭巢鵲爲烏所殺又有敦煌父老令狐熾夢白頭翁衣袷而謂熾曰南風吹動長木胡桐椎不中轂言訖忽然不見後戰於薤泉果爲蒙遜所害桐椎士業小字也

後涼呂光字世明苻堅拜爲驃騎將軍都督西討諸軍事龜茲王純帛距光光軍其城南五里左臂內脉起成字文曰巨霸營外夜有一黑物大如斷管窺輯要

卷之七十六

三

堤搖動有頭角目光若電及明而雲霧四周遂不復見且視其處南北五里東西三十餘步鱗甲隱地之所昭然猶在光笑曰黑龍也俄而雲起西北暴雨滅其迹杜進言於光曰龍者神獸人君利見之象易曰見龍在田德施溥也斯誠明將軍道合靈和德符幽顯願將軍勉之以成大慶光進攻果敗龜茲

南宋文帝初封宜都郡王位荊州刺史景平初有黑龍見西方五色雲隨之江陵城上有紫雲望氣

者皆以爲帝王之符其年少帝廢百官迎而立之
車駕在道有黑龍躍負上所乘舟左右莫不失色
土謂王曇首曰此乃夏禹所以受天命我何德以
堪之及至都隨卽大位
宋徐羨之隨從兄履之爲臨海樂安縣嘗行經山
中見黑龍長丈餘頭有角前兩足皆具無後足曳
尾而行及拜司空守關將入彗星晨見危南又當
拜時雙鶴集太極殿東鵠尾鳴喚竟以凶終蓋元
嘉二年也

管窺輯要

卷之七十六

三

南齊武帝永明五年始興王鑑獻龍角一枚長九
尺三寸色紅有文

南齊竟陵文宣王子良字雲英隆昌元年進督南
徐州其年疾篤謂左右曰門外應有異遣人視見
淮中魚無算皆浮出水上向城門尋蹶

南齊建武中荊州大風雨龍入栢齋中柱壁上有
爪足處刺史蕭遙欣恐畏不敢居之後以爲嘉福
殿

南梁始興王憺字僧達天監初拜都督荊州刺史

有政績四年荊州大旱愴使祠於天井有月蛇長
二丈出繞祠壇俄而注雨歲大豐

南梁武帝普通五年夏六月乙酉龍鬪於曲阿王
陂因西行至建陵城所經樹木倒折開數十丈
武帝中大同元年春正月丁未曲阿縣建陵隧口
石辟邪起舞有大蛇鬪隧中其一被傷奔走青虫
食陵樹葉略盡

南梁郡陵王綸大寶元年歷郢州刺史假黃鉞都
督中外諸軍事置百官改聽事爲正陽殿內外齋
管窺輯要

卷之七十六

十四

省悉題署焉祭城隍神將烹牛有赤蛇繞牛口出
南浦施安幄帳無何風起飄沒於江後果敗爲魏
將楊忠所執殺之投於江岸經日色不變鳥獸不
敢近時飛雪飄零屍橫道路周迴數步獨不露酒
壘之日黃雪雰糝惟冢壙所獨不下楊忠知而悔
焉使以太牢徃祭

南梁元帝承聖二年三月有二龍自南郡城西升
天百姓聚觀五采分明江陵故老竊相泣曰昔年
龍出建康淮西天下大亂今復有焉禍至無日矣

帝聞而惡之踰年而蓮禍

承聖三年三月王衣庫見黑蛇長丈許數十小蛇隨之舉頭高丈餘南望俄失所在帝又與宮人幸玄洲苑復見大蛇盤屈於前群小蛇繞之並黑色帝惡之官人曰此非恠也恐是錢龍帝敕所司即日取錢數千萬鎮於蛇處以厭之因設法會赦囚徒賑窮乏退居栖心省又有蛇從屋墮落帝帽上忽然便失又龍光殿上所御肩輿復見小蛇縈屈輿中以頭駕夾膝前金龍頭上見人走去逐之不

管窺輯要

卷之七十六

五

及城壕中龍騰出煥爛五色踈躍入雲六七小龍相隨飛去群魚騰躍墜死於陸道龍處爲窟若數百斛圖舊大城上常有紫氣至時稍復銷歇六月癸未有黑氣如龍見於殿內

元帝時有安城望族劉敬躬者田間得白蛆化爲金龜將銷之龜生光照室敬躬以爲神而禱之所請多驗無賴者多依之遂謀作亂遠近響應爲王僧辯所禽

南梁沈僧昭別名法朗少事天師道士言人吉凶

頗有應驗中年爲山陰縣武陵王紀爲會稽太守
宴坐池亭蛙鳴聒耳王曰殊廢絲竹之聽僧昭咒
厭十許口便息及日晚王又曰欲其復鳴僧昭曰
王歡已闌今恣汝鳴卽便喧聒又嘗校獵中道而
還左右問其故答曰國家有邊事須還處分問何
以知之曰回聞南山虎嘯知耳俄而使至

南陳武宣章皇后要兒母蘇嘗遇道士以小龜遺
已光采五色曰三年有徵及期后生紫光照室因
失龜所在

管窺輯要

卷之七十六

三

南陳後主禎明二年青龍出建陽門井湧霧赤又
見大蛇中分首尾各走夜中索飲忽變爲血有血
濡階至於坐牀頭而火起有狐入上牀下捕之不
見帝以爲妖乃自賣於佛寺爲奴以禳之

北魏孝文文昭皇后高氏先塋終寧陵遷兆長陵
西北初開終寧陵數丈於梓宮上獲大蛇長丈餘
黑色頭有王字蟄而不動靈襖及遷置蛇舊處

東魏孝靜帝元象元年七月山東大水蝦蟆鳴於

樹上

北齊武成帝河清二年六月乙巳齊州生言濟河水口見入龍昇天

北齊陸法和有道術嘗至襄陽城北大树下畫地
方二尺令弟子掘之得一龜長尺半以杖叩之曰
汝何國不能得已數百歲不逢我者豈見天日乎
爲我三歸龜乃入草又嘗書其所居室壁而塗之
及剝落有文曰十年天子爲尚可百日天子急如
火周年天子述代坐又曰一母生三天兩天共五
年說者以爲婁太后生三天子自孝昭卽位至武
管窺輯要

卷之七十六

七

成傳位後王共五年焉

北齊武平末遼陽山中有人家女曾以手持一麥
穗卽見一赤物長二寸許似蛇入其手指中因驚
倒地卽覺手臂疼腫月餘日漸及半月臍節俱腫
痛不可忍呻吟晝夜不絕馬嗣明卽爲療之旋平
復

北齊瑯琊王儼鄴北城有白馬佛塔是石季龍爲
澄公所作儼將修之巫曰若動此浮圖北城失主
不從破至第二級得白蛇長數丈回旋失之數旬

而敗後王今獨稱世
殺之於永巷

北周宣帝大象元年夏滎陽汴水北有龍鬪初是
白氣屬天自東方歷陽武而來及至白龍也長十
許丈有黑龍乘雲而至雲雨相薄乍合乍離自午
至申白龍昇天黑龍墜地
大象二年二月滎州有黑龍見與赤龍鬪於汴水
側黑龍死

唐太宗貞觀八年七月汾州青龍見吐物在空中
光明如火墮地地陷掘之得玄金廣尺長七寸

管窺輯要

卷之七十六

元

唐則天大足初處州獲龜六眼一夕而失

唐中宗神龍中渭水有蝦蟆大如鼎里人聚觀數
日而失是歲大水

唐睿宗先天二年六月京師朝堂墀下有蛇出
長丈餘有大蝦蟆如盤日赤如火相與鬪俄而蛇
入於大樹蝦蟆入於草皆陰孽也

唐玄宗開元四年六月郴州馬嶺山下有白蛇與
黑蛇鬪白蛇長六七尺吞黑蛇至腹口眼血流黑

蛇長丈餘頭穿白蛇腹出俱死

開元四年安南都護府江中有大蛇首尾橫出兩岸經日而腐寸寸自斷數日江魚盡死蔽江而下十五五相附著江水臭

太宗天寶中洛陽有巨蛇高丈餘長百尺出芒山胡僧無畏見之曰此欲決水潞洛城卽以天竺法咒之數日蛇死

鄧景山至德初擢拜青齊節度使徙淮南有鼉集城門鄧班語景山曰鼉介物也失所次金不從革之象其有兵乎未幾宋州刺史劉展反

管窺輯要

卷之七十六

五

唐德宗建中二年夏趙州寧晉縣沙河河北有棠樹甚茂民祠之爲神有蛇數百于自東西來趨北岸者聚棠樹下爲二積留南岸者爲一積俄有徑寸龜三繞行積蛇盡死而後各登其積野人以告蛇腹皆有瘡若矢所中刺史康日知圖其事奉三龜來獻

德宗貞元三年潤州魚鱉蔽江而下皆無首

貞元十年四月江西溪澗魚頭皆戴蝘蝓

貞元未資州得龍丈餘西川節度使韋皋

之百姓縱觀三日爲烟所燻而死

唐憲宗元和十四年二月書有魚長尺餘墜於鄆州市良久乃死魚失水而墜於市敗滅象也韓愈字退之憲宗朝爲刑部侍郎以上佛骨表忤旨貶潮陽刺州潮之惡溪有鱷魚食民畜產且盡民以是窮愈自往視之令其屬秦濟以一羊一豚投谿水而祝之是夕暴風震電起谿中數日水盡洄西徙六百里自是潮無鱷魚之患

唐文宗太和三年成都門外有龍與牛鬪

管窺輯要

卷之七十六

三

文宗開成二年三月壬申有大魚長六丈自海入淮至濠州招義民殺之

五代梁王處直字允明太祖封爲北平王初有黃蛇見於碑樓處直以爲龍藏而祠之又有野鵲數百巢麥田中處直以爲已德所致而定人皆知其不祥曰蛇穴山澤而處人室鵲巢木降而田居小人竊位而在上者失其所居之象也已而處直果爲養子劉都所殺

宋太宗太平興國三年二月鑿金明池旣掘地有

龜出殆逾萬數

宋閻弼字商翁少儻放宕吳中行山間有雙鯉魚戲溪水上弼竚觀之傍一老父顧曰此龍也行且鬪君宜亟去去百步許雷大震而兩岸圯水拔又出大雲倉卒遇風暴怒二十七艘同時溺獨弼舟得濟人以是異之官西上閤門使

真宗時

宋仁宗至和元年二月信州貢綠毛龜

宋徽宗大觀元年閏十月都水使者趙霆行河得兩首龜以為瑞蔡京信之曰此齊小白所為象罔

管窺輯要

卷之七十六

三

見之而霸者也鄭居中曰首豈容有二而京主之意殆不可測帝命棄龜金明池

徽宗政和四年瑞州進六目龜

政和五年博州進白龜

政和七年夏中有二魚落殿中省廳屋上

徽宗宣和元年夏雨晝夜凡數日及霽開封縣前

茶肆中有異物如犬大蹲踞卧榻下細視之身僅

六七尺色蒼黑其首類驢兩頰作魚頷而色正綠

頂有角生極長於其際始分兩歧聲如牛鳴與世

所繪龍無異茶肆近軍器作坊兵卒來觀共殺食之已而京城大水訛言龍復讐云

宣和四年北方用兵雄州地大震玄武見於州之正寢有龜大如錢蛇若珠漆筋相逐而行宣撫使焚香再拜以銀奩貯二物俄俱死

宋高宗紹興初朱勝非出守江州過梁山龍入其舟纜長數寸赤背綠腹白尾黑瓜甲目有先行都塚橋旌忠廟三蛇出沒庭廡大者盈尺方鱗金色首脊有金錢遇霽或變化數百十蕉卉間廟徙而

管窺輯要

卷之七十六

三

蛇孽亦絕

紹興八年五月汴京太康縣大雷雨下冰龜數十里隨大小皆龜形具手足卦文

紹興十一年四月衡山縣淨居巖有蛇長二丈身圍數尺黑色而方文震死山水大至先是山氣遇夜輒昏昧蛇斃始明

紹興十八年潼浦縣崇照鹽場海岸邊有巨魚高數丈剖其肉數百車剝目乃覺轉鬣而傍艦皆覆

又魚長一丈餘重數千斤剖之腹藏人

幣膚髮如生

紹興二十四年四月海鹽縣洋海有巨鰐群鰐從之聲若謳歌抵岸偃沙上猶揚鬣擦刺其高齊縣紹興二十五年六月湖口縣赤龍橫水中如山寒風怒濤覆舟數百艘士卒溺者數千人宋孝宗乾道五年七月乙亥武寧縣龍鬪於復塘村大雷雨二龍奔逃珠墜大如車輪牧童得之自是連歲有水災

管窺輯要

卷之七十六

三

乾道六年行都北關有鮎魚色黑腹中出人手於兩傍各俱五指

乾道七年十一月丁亥洞庭湖巨鼉走沙擁舟身廣長皆丈餘升舟以手足壓重艦沒水

遼太祖天顯元年七月甲戌上次扶餘府是夕大星隕於幄前辛巳平旦于城上見黃龍繚繞可長一里光耀奪目入於行宮有紫黑氣蔽天踰日乃散是日上崩

金熙宗天卷元年夏有龍見於熙州野水凡三日

初於水面見一蒼龍良久而沒次日見金龍一爪
承一嬰兒兒爲龍所戲略無懼色三日如故又見
一人乘白馬紅袍玉帶如少年官狀馬前有六蟾
餘凡三時乃沒郡人競往觀之

元順宗至正十七年六月癸酉溫州有龍鬪於樂
清江中颶風大作所至有光如毳死者萬餘人

至正二十三年正月甲辰廣西貴州江中有物登
岸蛇首四足而青色長四尺許軍民聚觀而殺之
至正二十七年六月丁巳皇太子寢殿新斃井成

管窺輯要

卷之七十六

十四

有龍自井而出光焰爍人宮人震懾仆地又宮牆
外長慶寺所掌成宗幹耳朶內大槐樹有龍纏繞
其上良久飛去樹皮皆剝七月益都臨朐縣有龍
見於龍山巨石重千斤浮空而
至正二十八年十一月大同路懷仁縣河崩有蛇
大小相縮結可載數車

管窺輯要卷之七十七

六安黃鼎玉耳父纂定

男九命簡臣

九思視先

九成

桐城方兆及子詒全閱

蝗蟲占

蝗飛從他處來忽死而隊不出三月兵大起人君用刑暴酷貪叨無厭則蝗蟲為害吏貪不禁螟螣

管窺輯要

卷之七十七

一

乃生董仲舒曰佞臣輔君以貪苛之政邪臣在位則蟲食苗葉君用才不當臣不在職則蟲食苗莖佞臣在朝則蟲食苗節君用姦賊蟲食苗根京房曰安祿厥災蟲食苗根握鏡曰蝗蟲食苗根咎在女于

雜蟲占

野蠶成繭人君有道其國大昌○蛙聚于邑大盜山蛙入國君門后妃惑主蛙聚而闖其國大兵起或曰蛙水物也當有水澤之兵蚯蚓立夏後五

不出臣奪王令冬至之日蚯蚓不結君政不行
歲多蟹有兵蟹進人宅舍失財多蝦幾卽日自野
入邑內人相殺蜈蚣入筐箠蠶善蟬五月不鳴人
臣爭國多妖言蜂食禾稼有暴臣剝民爲家國害
蜂巢室宮其宮室空蜂蟲入入筐箱中作窠有口
舌爭訟若倉厨則吉

蛺蝶入人帷帳中生貴子一曰行人不返無行人
則生貴子蝴蝶野蛾飛滿空中兵起胡人作亂蟻
鳴至死在宅百日大凶螻蛄集朝君黜螻蛄大如

管窺輯要

卷之七十七

二

牛羊所見之地賤人暴貴

域一名短狐射人南越之蟲也國中有之則爲妖
京房曰忠臣進善君不試厥咎國生蜮一曰女主
亂

蟲飛反墜后妃專勢天下蟲無故多死人君用刑
尅暴有賊兵起甲蟲生廟庭中臣叛兵起國憂亡
漢武帝元鼎五年秋蛙與蝦蟇群鬪時四將軍衆
十萬征南越開九郡

光武帝建武三年野蠶成繭民獲其利

晉太康四年會稽彭蠡及蟹皆化爲鼠甚衆大食
稻爲災

唐神龍中渭水有蝦蟆大如鼎里人聚觀數日而
失是歲大水

秦符堅爲赦文與王猛符融密議無人知者有一
大青蠅入自牖問鳴聲甚壯集于筆端驅去復至
俄而里巷人競相告曰官令大赦有司以聞堅驚
謂猛融曰禁中無耳屬之理事何從泄於是勅外
窮推之咸言有小兒衣黑衣大呼於市曰官令大
管窺輯要 卷之七十七 三

赦須臾不見堅歎曰其青蠅乎聲狀非常吾固惡
之

秦而羸蟲考驗 蝗蝻之屬

秦始皇四年十月庚寅蝗蟲從東方來蔽天天下

疫百姓內粟千担拜爵一級

漢成帝建始元年六月有青蠅無萬數集未央宮

殿中朝者坐

晉懷帝永嘉四年五月大蝗自幽州司冀至于秦

雍草木牛馬毛鬣皆盡

晉咸康四年北趙冀州入郡蝗司隸請坐守宰趙
王虎曰此朕失政所致而欲委咎守宰豈罪已之
意耶司隸不進讜言佐朕不逮而欲妄陷無辜可
白衣領職後趙建武四年

晉太元七年秦劉蘭討蝗不能滅有司請徵下廷
尉獄秦王堅曰降災自天非人力所能除此由朕
之失政蘭何罪乎是歲大熟蝗不食麻豆前秦建武十八年

南梁武帝太清二年九月益州市有飛蜂萬群螿
管窺輯要 卷之七十七 四

人死

南梁宜豐侯修字世和徙梁秦二州刺史在漢中
七年移風改俗人號慈父長史范洪胃有田一項
將遇秋蝗修躬至田所深目咎責或勸捕之修曰
此由刺史無德所致捕之何補言卒忽有飛鳥千
群蔽日而至瞬息之間食蟲遂盡而去莫知何鳥
臺使以聞帝爾書勞問曰犬牙不入無以過也一
及忽有狗據修所卧床而卧修曰此其戎乎因大
修城壘承聖元年果爲魏所攻力屈乃降

北齊文宣帝天保八年六月河南北大蝗齊王以問郡丞崔叔瓚對曰五行志土功不時蝗蟲爲災今外築長城內興三臺殆以此乎齊主大怒使左右毆之擢其髮以溷沃之曳足以出

天保八年自夏至九月河北六州河南十三州畿內八郡大蝗飛至鄴蔽日聲如風雨詔遭蝗處免租
北周宣帝大象元年八月所在螳羣鬪各四五尺死者十八九

管窺輯要

卷之七十七

五

唐太宗貞觀二年六月京畿蝗旱太宗在苑中掇蝗祝之曰人以穀爲命百姓有過在予一人但當蝕我無害百姓將吞之侍臣懼帝致疾遽以爲諫帝曰所冀移災朕躬何疾之避遂吞之是歲蝗不爲災

唐玄宗開元二十五年貝州蝗有白鳥數千萬羣飛食之一夕而盡禾稼不傷

唐文宗太和九年鄭注僭中藥化爲蠅數萬飛去

注始以藥術進化爲蠅者政死之象近書也

文宗開成元年京城有蟻聚長五六十步濶五尺至一丈厚五寸至一尺者

唐僖宗光啓二年淮南蝗自西來行浮水

緣城入揚州府署竹樹幢節一夕如剪畫像

皆齧去其首撲不能止旬日自相食盡

宋仁宗景祐四年五月滑州靈河縣民黃慶家蠶

自成破長二丈五尺闊四丈

宋哲宗元符元年九月深澤縣野蠶成繭織絰成

萬匹

管窺輯要

卷之七十七

六

宋孝宗淳熙九年七月准甸大蝗真楊泰州嘗撲蝗五千斛餘郡或日捕數十車羣飛渡江墮鎮江府皆害稼

宋寧宗嘉定二年浙西諸縣大蝗自丹陽入武進

若烟霧蔽日其墮亘十餘里常之三縣捕入千餘

石湖之長興捕數百石

金章宗承安元年六月平晉縣民利通家蠶自成

綿段長七尺一寸五分濶四尺九寸

元成宗元貞二年五月隨州野蠶成繭亘數百里

民取爲繡

元文宗至順二年三月晉冀深懿等州縣蟲夜食桑晝匿土中人莫捕之

元順帝至正十年七月朔州蟲食稼郡守石亨祖禱于玄妙觀寒雨三日蟲盡死

至正十九年大都霸州通州真定河間山東大同晉寧汴梁諸路皆蝗食禾稼草木俱盡所至蔽日礙人馬不能行填坑塹皆盈飢民捕蝗以爲食或曝乾而積之又磬則人相食

管窺輯要

卷之七十七

七

異魚占

魚狀如鮒而虢其音如豚名曰鱒魚見則天下大旱

魚狀如鯁鯉魚身鳥翼倉文曰青赤喙名曰文鰈常以夜飛其音如鸞見則大穰

魚狀如鱣一目其音如謳見則天下大旱

異蛇占

蛇六足四翼名曰蜃蟻見則天下大旱

蛇赤首白身其音如牛見則其地大旱

黃蛇魚翼出入有光各曰倮哘見則邑大旱
鳴蛇其狀如蛇四翼其音如磬見則其邑大旱飢
水 凡蛇入面豺身鳥翼蛇行音如叱呼見則其邑大
旱

軍中龍蛇蟲蟻占

龍下飲軍中水軍散營空軍行逢蛇有大戰軍行
前有赤蛇有戰急備之

軍行見蛇從道中入水者得敵使吉軍行見蛇在
前防伏兵軍營既成有大蛇入營欲荒急徙之在

管窺輯要

卷之七十七

八

軍隊中陰謀

青龍見足軍罷散蛇入聽及帳幕屈盤者勿傷之
爲其有謀相劫也

軍營中多蟲敗散之象○魚入軍中有戰凶

軍中忽見龜宜急徙不則有戰蟹入軍營中其兵
解散

軍行蜂羣飛有大戰蜂來衝軍有猝兵至軍行蜂
蝶連接而來前有伏兵宜搜之

蜂蝶群飛衝軍防賊衝突軍行逢蜂蝶赤色必有

戰宜防伏兵軍行卒有蜂蝶無數集軍中急去之不則士卒亡散軍出在野有蜂衆集營壘軍敗散軍中忽有聚蠅無數其軍且潰螻蛄群見軍中軍罷散有叛兵
蟻鳴營中其營空蜘蛛在軍中軍有喜

宮宅變異占

宮室無故自壞人死家國破宮室棟樑無故自折王者凶宮瓦無故自墜諸侯陵王權臣弄法國以亂亡宮室門無故自壞上下悖亂國亡門狀飛亂管窺輯要

卷之七十七

九

臣謀篡闕門之牧亡國將失守

闕庭地無故自裂不出三年失國亡地宮垣無故自移反側有內亂

宮殿屋室城郭占

上棟下宇以禦風雨易謂之大壯宮殿及人家門戶垣牆無故汗出爲水不出八年家亡

人君宮閣宮庭門戶無故自動搖有聲謂之壞宇不出二年有兵親戚謀同占

人君宮殿無故血腥臭是謂蜚禍來不出一年大

兵流血無故聞腐臭不出一年有暴喪若婦人暴死

宮殿中壁無故汗出及生黥污者白爲喪赤爲血及火黑爲病及虛耗黃爲喜青爲憂爲刑獄

宮室材木無故生芝者赤爲血青爲刑獄白爲喪黑爲賊黃爲吉如人面者亡財

大鳥雀在王殿門上作巢有賢人來

人君宮殿無故火焦臭大兵流血火爲妖

朝廷無故有音聲及有哭聲天下有兵若人家

管窺輯要

卷之七十七

十

亡

闕庭無故地分裂不出三年有兵城郭內起奪國
國亡人君宮殿無故火起土功不出五年國亡
宮廷屋宅中無故迷惑不出三年將欲去離之象
宮門無故自移及側自立者凶

人君宮庭殿門無故常濡潤不出一年獄囚走有

火災及喪城郭宮殿瓦礫不出三年國亡地削

宮庭內鬼神若見將失地土宮庭中忽聞鼓聲擊

鼓應之吉宮庭中或將聲是哭射也國亡家同占

宮室上有物如水切世主凶如犬豕送財如蛇蠅
蠶虛耗如牛馬遠役恐不返

宮庭中及人家竈釜鳴吼不出一年有大喪須占
之日辰人年上無騰蛇不剋之吉不爲怪見之剋
卽爲咎

國門無故自開一年內有兵起至一云失城國門
無故自閉不出一年當盡失守城郭門戶及諸宮
觀門戶無故自開是謂或愚不出三年兵從內起
無有城郭也

管窺輯要 卷之七十七 十一

城門關無故自折將有賊至爲婦人所圍陷亦同
一云邑敗城邑及人家門戶忽鳴有兵喪城無故
自長兵起城崩主兵起人家門戶無故自開自閉
有刀兵起

凡屋室上或生石及草木皆失地兆人亡在春夏
吉非時有咎屋無故自動者邑亡屋柱若有汗主
死

垣墻無故崩摧王亡自拆世主凶墻垣有人影有
喪亡

城邑變異占

城門無故折陷有賊至城郭門無故自壞京房占
曰上下咸恃厥妖城門壞天鏡占曰君門傾君不
安或曰城門自壞其國亡邑署則其王者當之
城門關無故自折其城凶有賊兵至關門是亡國
將失守一曰有殺逆

城郭門自鳴其邑有大喪地鏡占曰有兵喪

城郭門忽自開不出三年兵從中起邑屋無故自
動其邑空將軍廳門自鳴下人有謀

管窺輯要

卷之七十七

十一

城郭瓦鳴礫落不出三年地削國亡城復于隍賤
人將貴城自濡京房曰天不雨城自濡其國大潰
亂兵起相當之

邑無故自壅成山地鏡占曰是謂陽反爲陰君淫
爲婦所謀不出三年兵大起有易主

邑沒爲池人君徵發無道不出一年兵大起一曰
邑沒成溝是謂陰反爲陽不出二年有女子爭爲
主后者

邑忽廢爲枯陂忠佞爭權不出一年其地亡邑城

忽成土與屋同是謂陰掩陽不出一年天下兵起
城邑夜有火光兵起國亂

營壘變異占

軍營中地忽生盤石其地可久居吉軍營既立地
中忽生碎石無數則將軍失勢

營內地忽高起得敵地吉營地忽生黃毛得地有
喜軍營中氣出滿寨戰大勝軍營地上忽生水泉
謂之潤軍大捷

營地上無故忽灰塵急宜徙之營寨地上忽有血

管窺輯要

卷之七十七

十三

跡大凶營地上忽生艾軍中有疾罷兵

軍中地赤如血當徙營營中如有震聲宜罷兵軍
營中地出大將軍死

井里變異占

里社鳴其里有聖人出百姓歸之天子出宮京房
曰社鳴實邑虛虛邑實

井中赤黃氣起其分蝗蟲起白氣爲陰謀臣不忠
喪行赤氣臣謀變有兵黑氣其地水災期一百二

十日應之

井中出氣上至于天兵起國君走在外則其地有兵王者惡之

井中虹出入之其地大災井溢有聲國亡一曰下人謀上井中溢在國君凶在邑王者凶一曰兵起井溢下人將奪上位君井沸宗廟毀井沸有聲在軍將死在邑長吏死在家王者死

人家井沸其屋不居井忽枯涸在邑邑空在家家空井水赤地鏡占曰其家主有殃井忽自臭君亡國庶人亡家井鳴同占

管窺輯要

卷之七十七

十四

唐武后長安初醴泉坊太平公主第井水溢流又武氏井溢

中宗景龍四年三月庚中京師井水溢占曰君凶又曰兵將起

鐘鼎刀劍金鼓車旗變恠占

鼎震國亡鐘自鳴國君凶潛潭邑曰下土動兵一曰鏡磬自鳴庶雄作亂兵起不出三年應之

鼓自鳴庫兵動天鏡占曰鼓忽自鳴有敵兵來攻一曰鏡自鳴下人將叛一曰邑有臣寇邑鼓自鳴

營中鼓自鳴兵動凶金鼓自鳴軍當罷一曰將有功金鼓忽不鳴其兵且敗將降金鼓自破主將死
角自鳴有伐君者
角吹而不鳴不利出師軍中鼓角無聲軍必敗軍
行旗纛倒折主將失勢刀劍自拔出其室在國君
宜防逆盜在軍將宜防刺客地鏡占曰刀劍無故
自出其室憂兵傷

刀劍戈矛夜有火光軍敗亡火者金之賊也軍中

管窺輯要

卷之七十七

十五

兵器夜中有光不可戰刀劍無故有聲憂兵傷京
房曰君刀劍自鳴妻妾謀逆

將軍刀劍自鳴他人不聞而自獨聞之宜防賊來
陰謀相害在家疑婦人左右奸刺一曰軍中刀劍
自鳴有聲明日戰大勝無兵在外而庫中刀劍戈
戟忽有火光者兵起刀劍忽生血點及出血者戰

勝

車自鳴有爭鬪死傷國君車無故自奔走不出三

年死亡臣下同占儀仗生花王者死亡

周威王二十三年九鼎震是歲始命晉三卿爲諸侯其後秦遂滅周取九鼎震者示廟之將遷晉孝武太原十年四月謝安出鎮廣陵始發石頭金鼓無故自破月餘以疾還而薨晉承興元年成都王伐長沙每夜戈戟鋒有火光如燭成都不悟卒以敗亡

唐天寶十年六月大同殿前鐘自鳴占曰逆胡爲

管窺輯要

卷之七十七

六

宰相李適之常列鼎其食躍出相闔鼎耳及足皆折易曰鼎折足覆公餗鼎三公象也適之卒遘禍唐元和中翰林院有鈴夜中文書至則引之以代傳呼

長慶中河北用兵鈴自鳴聲急則軍事急緩則事緩

甌窺金曰變性

竈釜鳴不出一年有喪家國同然郭璞洞林曰卷令施安曰上家釜九鳴旬月之中有九喪

齏鳴而破口舌刑傷六日至齏於釜中忽翻身
男女分口舌死亡子日六死丑日富貴寅日大
凶卯日大凶辰日大吉巳日婚吉午日官事散未
日大凶申日行人至酉日行人到戌日富貴亥日
吉昌又宜以日時六情占之
竈中無火而烟家長死竈中無火自火夜蝕者其
家破

白中出水京房占曰水忽出白其地有大水

炊釜生花家長死唐中宗時中郎將毛婆羅炊飯

管窺輯要

卷之七十七

十七

一時化為血

床帳棹筦箱櫃變恠占

君床無故自動宜徙宮將軍坐床自動軍中兵亂

床忽自亡其人死不死則徙將軍帳幕不風而自

動飄揚兵亡衆散帳幕床席無故自有血污必有

兵亦之厄

平居床帳不風自動有遠行不則下人有謀床自

鳴有死喪

帳動床鳴日期子日小口驚恐女人卒暴口舌盡

日婦女口舌寅日爭競失財卯日大災辰日悲愁
巳日女子口舌刑傷午日口舌失財未日宅長病
失六畜申日夫妻相離酉日口舌血光戌日

亥日傷損孕婦

卓爨自鳴忽有火盜有死喪枕函自鳴夫妻分別
厨櫃自光或為有喪勝官訟箱籠有光夫妻離別
宋紹興三十二年建昌郡新城縣有臣室篋中時
有火光燔衣帛過平而篋不焚

五代漢乾祐元年三月中書厨釜鳴者七是月宰

管窺輯要

卷之七十七

十六

相李濤罷免勒歸私第

管窺輯要卷之七十八

六安黃 鼎玉耳父纂定

九場公位

九疇倫叙

九如眉余

桐城方兆及子詒全閱

器皿變怪占

飲食器皿無故自亡國君失位人臣失職庶人死

無故自動其人有憂將食而匙筯自動者下謀

管窺輯要 卷之七十八

圭每食器忽自有血宜棄之

酒醋醬瓮自鳴破者其家破食器忽自鳴有鬪爭

王死喪祭器忽自亡不見人君失國土庶人家亡

唐武德七年河澗王孝恭征輔公祏晏郡師于舟

中孝恭以金盃酌江水飲之則化為血孝恭曰盃

中之血公祏授首之祥

宋紹興十一年三月庚申金虜居長安油酒皆變

白色白西方兵象也亦喪祥後金首亮為其下所

殺

衣服占

人君好作大衣下臣悅人君好小衣不出三年邊
有急兵若外國來降其後必有大凶天鏡占曰好
小衣臣自用又曰人君好爲短小之衣君弱臣強
兵起君好素衣天下多喪
人尚彩績衣服兵起人尚寬衣政弛民慢婦人好
爲小衣兵且起

漢獻帝建安車男子好爲長躬而下甚短女子好
爲長裙而上甚短莫嗣以爲陽無下而陰無上之

管窺輯要

卷之七十八

二

妖後遂天下大亂

衣服帶履變怪占

人君朝服無故自亡君且事臣兵書曰衣無故自
亡將軍戮庶人死

衣服無故自徙其處其人大凶衣服無故忽有火

光大凶

將軍衣服無故有血防亂兵殺害衣服無故自舉
君失國臣失家將失軍庶人死

人冠忽有血憂死亡人衣服無故自血污者有

死傷一曰下人欲謀上衣服無故自裂或有聲主
疾病死亡衣服無故腥臭宜焚之

衣服忽有脂粉污痕主憂病衣服無故有孔如刀
剪有刑傷衣服無故自腥臭有疾病死傷

印綬有火光免官帶有光有賀事履無故自亡不
復出行天鏡占曰君履無故自亡近臣賊政鞋履
鳴夫妻離鞋履忽自交蝕有口舌官刑敗屨自聚
其地有叛民相聚爲亂

服飾考驗

管窺輯要

卷之七十八

三

春秋愍公二年晉獻公使太子申生帥師公衣之
偏衣佩之金玦狐突歎曰時事之徵也衣身之章
也佩衷之旗也故敬其事則命以始服其身則衣
之純用其衷則佩之度今命以時卒計闕其事
也衣之尤服遠其躬也佩以金玦棄其衷也服以
遠之時以闕之尤涼冬殺金寒玦離胡可恃也梁
餘子養曰帥師者受命于廟受贖于社有常服矣
弗獲而尤命可知也死而不孝不如逃之罕夷曰
尤奇無常金玦不復君有心矣後四年申生以讒

自殺近服妖也

漢昭帝時昌邑王賀遣中大夫之長安多治仄注
冠以賜大臣又以冠奴見大白狗冠方山冠而無
尾賀以問郎中令龔遂遂曰此天戒言在仄者盡
冠狗也去之則存不去則亡矣後賀被廢以臯死
不得置後犬禍無尾之效亦服妖也

漢更始諸將軍過雒陽者數十騎皆幘而衣婦人
衣繡擁鬣時智者見之以為服之不中身之災也
乃奔入邊郡避之是服妖也其後更始遂為赤眉

晉窺輯要

卷之七十八

四

所殺

漢桓帝元嘉中京都婦女作愁眉細而啼粧薄拭目下

若帝處墮馬髻作一折腰步足不在體下齟齬笑若齟齬痛

欣始自大將軍梁冀家所為京都翕然諸夏皆倣

倣此近服妖也後舉族誅夷

漢靈帝好胡服胡牀胡帳胡坐胡飯胡笙篪胡笛
胡舞京都貴戚皆競為之此服妖也其後董卓多
擁胡兵填塞衛衢掠宮掖發掘園陵

靈帝數遊戲於西園中令後官采女為客舍主人

身爲商賈服行至舍采女下酒食因共飲食以爲
戲樂此服妖也其後天下大亂

三國魏武帝以天下凶荒資財乏匱始擬古皮弁
裁縑帛爲白恰以易舊服子實以爲白縞素凶喪
之象也恰毀辱之言也蓋革代之後劫殺之妖也
魏明帝景初元年發銅鑄爲巨人二號曰翁仲置
之司馬門外占者爲亡國之器蓋服妖也

魏明帝著緇帽披縹統半袖以見直臣揚阜諫曰
此亡國之服也帝默然

管窺輯要

卷之七十八

五

魏尚書何晏好服婦人之服此妖服也

晉武帝初何論率百官觀政自取私食子劭又過
之而王愷又過之王愷羊琇之儔盛致聲色窮珍
極麗至元康中夸恣成俗轉相高尚石崇之侈遂
兼王何而儷人主矣崇旣誅死天下尋亦淪喪僭
踰之咎也

武帝大康中天下爲晉世寧之左手接杯盤而反
覆之歌曰晉世寧舞杯盤識者曰言晉世之士苟
偷於酒食之間而智不及遠晉世之寧猶杯盤在

手而反覆之危事也

初作履者婦人頭圓男子頭方圓者順之義至太康初婦人履乃頭方與男子無別此賈后專妬之徵也

晉惠帝元康太安之間江淮之域有敗屨自聚于道多者至四五十量人或散投坑谷明日視之復如故或云見狸銜聚之後果有江夏張昌之亂桓玄篡立殿上掛絳帳鑲黃金爲額四角金龍銜五色羽葆流蘇子下相謂曰額類轎車尋而玄敗

管窺輯要

卷之七十八

六

晉海西公嗣位忘設豹尾後果不終

晉孝武帝大元中公主婦女皆緩鬢傾鬢以爲盛飾用髮旣多不可恒戴乃先於木及籠上裝之名曰假髻或名假頭至於貧家不能自辦自號無頭就人借頭遂布天下未幾武帝晏駕天下騷動刑戮無數多喪其元至于大殮皆刻木及蠟或縛亂草爲頭以葬是假頭之應

南齊永元時百姓皆著下屋白紗帽而反裙覆頂東昏曰裙應在下今更在上不祥命斷之於是百

姓皆反裙向下帽者首之所寄今而向下天意若曰元首方爲猥賤乎東昏又令左右作逐鹿帽形甚窄狹後果有逐鹿之事東昏宮裏又作散叛髮反髻根向後百姓爭學之後果天下散叛東昏又與刀敕之徒別立帽騫其口而舒兩翅名曰鳳度三橋裙向後總而結之名曰反縛黃麗皆服妖也北齊後主緯時婦人皆翦剔以著假髻而危邪之狀如飛鳥至於南面則髻心正西天意若曰元首翦落危側當走西也又爲刀子者刃皆狹細名曰

管窺輯要

卷之七十八

七

盡勢遊童戲者好以兩手持繩拂地而却上跳且唱曰高末高末之言蓋高氏運祚之末也此其兆云齊後主髻根反
北周宣帝大象二年三月詔天臺侍衛皆着五色及紅紫綠衣以雜色綠名曰品色衣有大事與公服間服之
唐大尉長孫無忌以烏羊毛爲渾脫種帽人多效之謂趙公渾脫近服妖也

唐高宗嘗內宴太平公主紫衫玉帶皂羅折上巾

具紛礪七事歌舞於帝前帝與武后笑曰女子不可爲武官何爲此裝束

唐武后時嬖臣張易之爲母減作七寶帳有魚龍鸞鳳之形仍爲象牀犀簾

唐安樂公主使尚方合百鳥毛織二裙正視爲一色傍視爲一色日中爲一色影中爲一色而百鳥之狀皆見以其一獻韋后公主又以百獸毛爲鞵面韋后則集鳥毛爲之皆具鳥獸狀工費巨萬公主初出降益州獻單絛碧羅籠裙縷絛爲花鳥細管窺輯要

卷之七十八

八

如絛髮大如黍米眼鼻背甲皆備瞭視者方見之韋后妹爲豹頭被以辟邪白澤枕以屏魅伏熊枕以宜男

楊貴妃常以假髻爲首飾而好服黃裙時人爲之語曰義髻拋河裏黃裙逐水流

唐僖宗乾符五年內臣有刻木象頭以裹幞頭百官效之工門如市度木斫之曰此斫尚書頭此斫將軍頭此斫軍容頭

唐僖宗時內人束髮極急成都婦人效之時謂爲

因髻又婦人梳髮以兩鬢抱面狀如椎髻時謂之拋家髻又世俗以琉璃爲釵釧拋家流離皆播遷之兆

前蜀王衍好戴大帽每微服出游民間人以大帽識之因令國中皆戴大帽又好裹尖巾其狀如錐而後官皆戴金蓮花冠衣道士服酒酣免冠其髻墨然更施朱粉號醉粧園中之人皆效之蜀人富而喜邀俗競爲小帽僅覆其頂俛首卽墮謂之危帽幘行以爲不祥禁之

晉窺輯要

卷之七十八

九

宋太祖建隆初蜀孟昶末年婦女競治髮爲髻號朝天髻未幾昶入朝京師

宋高宗紹興二十三年士庶入室競以胎鹿皮製婦人冠山民採捕胎鹿無遺時未宣和未遠婦人服飾猶集翠羽爲之近服妖也

紹興二十七年交趾貢翠羽數百命焚之通衢立法以禁後婦人以琉璃爲首飾焉

宋理宗朝官妃繫前後掩裙而長空也名匙上裙梳高髻於頂曰不起落東足纖直快上馬粉點

角名淚粧剗削童髮必留一錢許於頂左右偃
頂或留之頂前束以綵繪宛若博焦之狀或曰鵝

角

宋度宗咸淳五年都人以碾王爲首飾有詩云京
師禁珠翠天下盡琉璃

雜虫古

甲虫無故自生宗廟中不出三年三公叛有憂○

螻蝻飛集朝廷大臣拙咎水族之物見于宮室並

主有憂螿蟹見國都室屋者兵行○龜食稻穀有

管窺輯要

卷之七十八

十

殃蟹化爲鼠食五穀國有大災○螻蝻晝行下有
陰謀

凡怪虫生民勞多殺傷之咎凡虫非時而出者皆

爲大災冬天甲虫不藏有兵起謂帶甲之類動也

凡蟻由或也在水傍能射人有甚至死南方謂短

狐亡之象也一云忠臣進用君不識國生蟻

蜂生國舍內空亡之象○蝗虫多食物根臣專祿

用事好貪弊惡生則孽虫食物心○天下虫自死

用刑暴殘害過君賦歛重奪人財利寃生

光蝗虫晝夜食禾莖咎人君賦歛重奪民財利蝗
虫飛從他來忽生不出三年兵大起蝗虫生落赤
頭黑身或黑頭赤身皆政剋盜賊興

蝗虫食木根莖君欲奪百姓財蝗虫生卽飛人民
急移徙蝗虫春雨食木其年兵起臣強君弱蝗虫
生食草木根咎在女主及社稷蝗虫不飛苛政剋
虫食樹死人相殘害虫食水藻魚鹽將貴虫食桑
來年絲綿貴虫食杏來年大麥貴虫食桃來年小
麥貴虫食李來年小豆貴虫食荆來年禾貴虫食
管窺輯要

卷之七十八

十一

貴
榆來年黍貴虫食槐來年大豆貴虫食棗來年粟

虫忽入宅或出井中憂疾病虫見邑室中不出三
年有兵

凡人見虫相食三年憂死虫忽聚郡邑中及道門
戶中或闔及冬見寢室勿殺之皆爲忽兵起國邑
墟一云有圍城

虫交于市及庭中外國有兵流血千里其分亡國
大虫冬見于市中大臣謀反三年有大兵起

軍地虵多出者軍敗之兆軍行見虵于前其地有
伏兵當住軍前必有賊伏宜備之軍營中虵蟹並
出衆多成群者乃爲士叛之象軍中忽見鼃鼉龜
蟹者軍人有進退之心宜賞賚士衆諸虫及龜忽
生衆多者士卒散死亡之象營中忽有遊蜂飛蝶
或忽逆於軍前敵必密有伏兵須住軍警備軍中
蚯蚓蝮蠅衆多軍欲廻散士思歸還一云應善之
徵

軍行蜂蝶衝軍賊有突兵軍營之中蝮蠅晝出下
管窺輯要

卷之七十八

十一

有陰謀

軍中蟻蝮遼亂卽有賊來流血之兆急宜固備戰
當先進忽生螃蟹軍行路螃蟹稍多必戰之兆突
兵損將軍營之中忽生螃蟹急移之軍必敗亡
營中有龜大急移營不移軍破軍營衆蠅太多宜
移營別謀不移兵破

諸雜類器用衣物妖異占

凡刀劍自拔背人吉向人凶刃劍無故自拔及有
光及聲鳴者憂兵傷凶

鼓角自鳴國有暴兵至鐘自鳴大兵起鼓自鳴敵
人來侵

鐘鼎出見於地不出三年有奪國禪位晉安帝永
興十一年霍山崩出鐘六口後劉裕禪位之驗
金鼓自鳴破將有全功金銖自生兵與晉懷帝永
嘉中石碑生金爲不從革也
人君食器有血急宜棄之貴人車奔軸折旌旗折
不出一年有災其分亡

衣服無故腥臭勿服之賊且來衣服無故自裂有
管窺輯要 卷之七十八 十三

聲不吉之兆急貨之吉凡衣冠寶具好上繩牀此
人不聊生交荒失計

女人三脚盆子行裝人民走散

市中金玉寶具忽賤貴人失利不出十年其分亡
國庫中五金躍者其分易政國君刃珮自拔及血
光有聲並至兵傷戈戟鋒有聲及光者兵起晉惠
帝永興元年長沙每夜戈戟有聲光如懸燭此君
輕命好攻戰金失其性而爲災

軍中無故有金銖自鳴者軍當罷散軍衆中忽聞

鍾鈴聲者吉

將軍門戶帳幕無故自動者敵人欲罷軍主七日
內散走各歸其宗軍中沸如刀杖攬者士衆懼戰
軍散宜行刑賞之大吉

將軍衣服無故自失下人謀反將軍死將軍坐牀
無故動搖及衣汗出如血下欲謀殺其將警備近
親及左右將軍刀鎗無故自鳴他人不聞者婦人
欲謀將軍警備婦妾將軍無故自汗出異常者下
人欲殺將軍警備左右也將軍劔無故自鳴將下
管窺輯要

卷之七十八

十四

僚欲謀叛防遠之吉不然必被屠城

將軍器物之輦血出與汗流者宜遠親慎疎下欲
爲謀叛將軍器物忽爲惟異者宜自思察防慎乃
吉牙旗摧朽將軍死敗士卒相嚇刃劔刃自生血
戰勝軍中金鼓鳴將立功也

荒旱

漢武帝元封元年小早上令官求雨卜式言曰縣
官當食租衣稅而已今弘羊令吏坐市列肆販物
求利烹弘羊天乃雨

漢和帝永光六年秋京都旱時雒陽有寃囚帝幸
雒陽寺錄囚徒理寃囚收令下獄抵罪行未還宮
澍雨降

漢獻帝興平元年大旱自四月至七月帝避正殿
請雨遣使洗囚徒原輕繫是歲穀一斛五十萬豆
麥一斛二十萬人相食啖白骨委積使侍御史侯
汶出太倉米豆爲卽人作糜粥經日而死者無數
帝親御座前量試作糜乃知非實遂讓有司杖侯
汶五十

管窺輯要

卷之七十八

五

三國吳孫策欲渡江襲許昌于吉偕行時大旱所
在煽厲策怒吉惑衆令人縛置地下暴之使請雨
若能感天日中雨者當原赦不爾行誅俄而雲氣
上蒸膚寸而合比至日中大雨忽至溪澗盈溢將
士喜悅以爲吉必見原策竟殺之將士共藏其尸
天夜忽更興雲覆之明但往視不知所在
出搜神記
晉安帝元興元年四月三吳大飢戶口減半臨安
永嘉殆盡富室皆衣羅執懷金玉閉門餓死
南梁武帝天監四年冬大有年米斛三十錢

天監六年旱甚詔祈蔣帝神求雨十旬不降帝怒命載荻欲焚蔣廟並神影爾日開朗欲起火當神上忽有雲如織倏忽驟雨如瀉臺中宮殿皆自振動帝懼馳詔追停少時還靜帝備法駕修謁是時魏軍攻鍾離蔣帝神報勅必圍許扶助旣而無雨淮水暴長六七尺曹景宗督師大挫敵人凱旋之後廟中人馬脚盡有泥濕當時並目覩焉武帝普通中南浦侯推字智進歷淮南晉陵吳郡太守所臨必赤地大旱吳人號旱母焉

管窺輯要

卷之七十八

十六

南梁簡文帝大寶元年三月江南連年旱蝗江楊尤甚百姓流亡草木根葉食之皆盡富室或衣羅綺懷金玉而死白骨成丘

北魏文帝太和二十年七月魏主以久旱不食三日群臣請見魏主遣舍人辭焉且問來故王肅對曰今四郡而已沾洽獨京都微少庶民未之一餐而陛下撤膳三日臣下惶惶無復請地魏主使應之曰朕不食數日猶無所感比來中外皆言四郊有雨朕疑其欲相寬勉未必有實方將遣使視之

果如所言卽當進膳如其不然朕何以生爲當以身爲萬民塞咎耳是夕大雨

北魏南安王禎爲相州刺史太和二十年五月鄴城旱禎祈雨于郡有石季龍廟人奉祀之禎告神像云三日不雨當加鞭罰請雨不驗遂鞭像一百是月疽發背薨

唐高宗永隆元年長安獲女魃長尺有二寸其狀怪異詩曰旱魃爲虐如燄如焚是歲秋不再至于明年正月

管窺輯要

卷之七十八

七

唐德宗貞元元年春大飢東都河南河北米斗千錢死者相枕

唐宣宗大中六年夏淮安飢海陵高郵民於官河中流得異米號聖米

唐僖宗光啟二年二月荆襄大飢米斗三千錢人相食三年揚州大飢米斗萬錢

宋神宗熙寧六年七月不雨至於七年之三月人無生意東北流民每風沙霾暄扶携塞道羸瘠愁苦身無完衣並城民買麻帆麥麩合米爲糗或茹

木食草根至身被鑽械而負瓦揭木賣沙嶺官累
累不絕監安上門鄭俠繪流民圖以獻曰旱山安
石所致去安石天必雨坐竄嶺南

宋高宗建炎元年汴京大飢米升錢三百一鼠直
數百錢人食水潦椿葉道殣骸無餘齒

建炎三年山東郡國大飢人相食時金人陷京東
郡民聚為盜至車載乾尸為糧

高宗紹興三年四月旱至于七月帝蔬食露禱乃
雨

管窺輯要

卷之七十八

七

紹興五年五月大燠四十餘日草木焦槁山石灼
人暍死者甚眾

宋孝宗乾道四年夏六月旱帝命撤蓋親禱於太
乙宮而雨

宋光宗紹熙三年冬潼川路不雨氣燠如仲夏日
月皆赤

宋寧宗嘉泰四年春撫袁州隆興府臨江軍大飢
殍死者不可勝瘞有舉家二十七人同赴水死者

寧宗嘉定二年春兩淮荆襄建康府大飢米斗錢

數千人食草木淮民刳道殪食發瘞皆繼之人相
搯噬流于揚州者數千家渡江者聚建康殍死日
八九十人

嘉定八年夏五月大燠草木枯槁百泉皆涸行都
斛水百錢江淮杯水數十錢暍死者甚眾

遠穆宗應曆十六年五月甲申歲早上泛舟于池
禱雨不雨捨舟立水中而禱俄頃乃雨

元順帝仍改至元二年四月黃州蘄州等路大旱

黃岡縣周氏婦產一男狗頭人身卽死咸以爲旱

管窺輯要

卷之七十八

九

題云

元帝至正十九年正月至五月京師大飢銀一錠
糶米僅八升死者無算通州民劉五殺其子而食
之保定路孳死盈道軍士掠孱弱以爲食

管窺輯要卷之七十八終

